



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Explanatio In Psalmos**

Complectens Psalmos à 101. ad 125.

**Bellarmino, Roberto Francesco Romolo <Heiliger>**

**Dusseldorpii, 1764**

**VD18 15558428-001**

Psalmus CXXV.

[urn:nbn:de:hbz:466:1-53433](#)

Ium finem esse habitura, desperantes incipient etiam ipsi facere opera impiorum.

¶. 4. *Benefac Domine bonis, & rectis corde.*

Quia dixerat, periculum esse, ne justi scandalizarentur ex nimis diuturnâ potestate iniquorum, convertit se ad Deum, & orat: *Benefac bonis, liberando nempe eos citò à potestate impiorum, aut certè patientiam illis, & consolationem internam copiosè suppeditando: & simul admonet illos verè esse bonos, qui sunt recti corde, h. e. non scandalizantur de judiciis Dei; sed approbant omnia, quæ Deus facit, licet sinat impios dominari ut in diuturno tempore.*

¶. 5. *Declinantes autem in obligationes, adducet Dominus cum operantibus iniquitatem, pax super Israel.*

Occasione ultimi verbi ¶. 4., quo bona optabantur *rectis corde*, subjungit, eos, qui declinant à rectitudine ad tortuositatem, seu obliquitatem, & in persecutione, vel tribulatione perdunt sustentiam, ac vel fidem negant, vel de Deo conqueruntur, ac murmurant, cum ipsis persecutoribus, & impiis in judicium adducendos. Quia qui offendit in uno, factus est omnium reus: & tum demum separatis omnibus malis de medio bonorum, pax vera, & sempiterna erit super Israel, h. e. super populum Dei.

### PSALMUS CXXV.

**T**itus: *Canticum graduum.*

Argumentum: *Psalmus apertissimè loquitur de reversione à captivitate, & ascensione ad patriam, & convenit propriè in tempus illud, quod decretum Cyri de solvendâ captivitate Iudaorum primum pro-*

N 3

mul-

*mulgatum est : quod quidem figura fuit Evangelii,  
quo nobis annuntiata est remissio peccatorum, & af-  
fensus ad cœlestem Jerusalem.*

*v. 1. In convertendo Dominus captivitatem Sion,  
facti sumus sicut consolati.*

Græca hinc ad literam redduntur latine, & ideo  
locutio est minus latina. Cùm primùm auditum est  
à nobis decretum relaxationis, & reversionis in pa-  
triā, facti sumus ut sunt ii, qui consolationem  
post magnam tribulationem accipiunt, h. e. hil-  
ares, & jucundi ex tristibus, & inærentibus. Hanc  
ineffabilem consolationem verè experiuntur, qui  
seriò convertuntur ad Deum, & contemptâ spe sa-  
culi, atque omnium rerum cupiditate depositâ di-  
rigunt pedes suos in viam pacis.

*v. 2. Tunc repletum est gaudio os nostrum, & lin-  
gua nostra exultatione.*

Ex consolatione internâ prodit lætitia externa.  
Ubi auditus est bonus nuntius liberationis, facies  
nostra hilaris, & jucunda apparuit, & lingua no-  
stra prorupit in verba lætitiae, & jubilationis. Si  
per os intelligis non faciem sed propriè os, idem bis  
ait, & sensus est : repletum est os nostrum lætis  
vocibus, ac laudibus &c.

*v. 3. Tunc dicent inter gentes, Magnificavit Do-  
minus facere cum eis.*

Nuntius bonus hujus liberationis, sicut eos, qui  
liberati sunt, affecit ingenti lætitia, ita etiam ali-  
os, qui hoc audierunt, magnâ admiratione reple-  
vit, & ideo dixerunt : Magna fecit Deus cum  
populo Judæorum. Cyrus propriè Hebræos ex tam  
longâ captivitate liberavit ; at omnes facile intel-  
ligebant, id factum Divino instinctu : nam libe-  
ratio

ratio contigit tempore per Jeremiam prædicto, nempe post annos 70. & Cyrus ipse Esd. c. 1. agnoscit imperium orbis à Deo cæli sibi tributum, & ab eodem Deo jussum se templum in Jerusalem ædificare, & populum dimittere. Demum, quod nullus alias Rex fecisset, Cyrus tot millia captivorum non tantum sine pretio ullo, sed etiam magnis donis oneratos dimisit. Itaque meritò gentes omnes tam magnum beneficium Divinæ providentiæ tribuebant.

*V. 4. Magnificavit Dominus facere nobiscum, facti sumus latentes.*

Approbant liberati, quod gentes dicunt. Verè Dominus magnificè se nobiscum gessit, & præter meritum, ac spem nostram egit nobiscum, de tam miserabili captivitate ad patr am dulcissimam revocando: & facti sumus latentes, qui sub jugo captivitatis gemebamus moerentes.

*V. 5. Converte Domine captivitatem nostram sicut torrens in Austro.*

Quia non statim omnes captivi reversi sunt, sed primum aliqui eum Esdrâ; deinde alii cum Nehemiam, ideo qui primi redierant, orant Deum: Fac, ut revertantur captivi nostri, qui adhuc remanent in terrâ alienâ, planè omnes, & quam citissimè, ut sit plena, & velox reductio, qualis esse solet earum rerum, quas torrens secum abripit, & devolvit, dum, flante Austro, tum pluviis de cælo cadentibus, tum nivibus liquefactis, & de montibus fluentibus impletur. Sed multò magis spiritualibus peregrinis hæc precatio necessaria est: licet enim jam aliqui ad patriam pervenerint; tamen multi adhuc peregrinantur; plurimi etiam amare cœperunt captivitatem, &

affxi

affixi rebus temporalibus, de patriâ nihil cogitant; ideo necesse est, ut Deus, instar torrentis, Austro flante, violenter eos compellat, & quasi cogat ascendere.

**V. 6. Qui seminant in lacrimis, in exultatione metent.**

Postquam David rogavit Deum, ut reducat ad patriam omnes captivos, hos exhortatur, ut libenter suscipiant laborem ambulandi, & ascendendi; nec retineantur amore earum rerum, quas in terrâ alienâ possidebant, quia in patriâ suâ multò plura, & meliora invenient. Utitur similitudine seminantis, & metentis. Seminans ordinariè seminat cum dolore, & gemitu, tum quia cogit triticum suum projicere in terram, nec seit, an unquam illud recuperatus sit: at tempore messis latatur, dum videt triticum amissum cum fœnore sibi restitui. Spirituales peregrini licet cum sensu aliquo doloris seminant, h. e. sua inter pauperes distribuant; paulò tamen post in cælesti patriâ cum exultatione metent.

**V. 7. Euntes ibant, & flebant, mittentes semina sua.**

**V. 8. Venientes autem venient cum exultatione porzantes manipulos suos.**

Describit paulò fusiùs, & clariùs morem seminantis, & metentis. Rustici ex domo suâ exeuntes ibant ad agrum, & cum dolore spargebant triticum suum in terram, videntes se privari interim opibus suis non sine dolore quæsitis. Sed postea venientes ex agro tempore messis, venient domum cum exultatione, referentes pro paucis granis integros manipulos spicarum. Neque curavit Propheta similitudinem applicare eleemosynis, quia facile erat unicuique id per se facere.

F I N I S.